

南史识小录

南史识小录

南史识小录

PDG

北史識小錄卷三

錢唐沈名蓀澗芳秀水朱昆田文盛

原輯

後學錢唐張應昌補正

魏列傳

劉仁之外示長者內多矯詐其對賓客破牀敞席麤飯冷菜劉庫仁傳尉崇儒好學吳人搖脣振足爲人所

哂見人好笑時論比之寒蟬尉地干機悟有才藝

馳馬立射五的尉聿爲涼州刺史涼州緋色天下

之最時領軍元乂執權送白綾二千匹令染聿拒之

以上尉瑾傳

孝文欲以穆弼爲國子助教弼辭以爲屈

帝曰朕欲敦厲胄子屈卿先之白玉投泥豈能相汚

穆崇

叔孫俊以便弓馬轉爲獵郎

叔孫建傳按長孫肥傳子翰

亦以善騎射爲獵郎

庾業延遷鄴行臺鄴有園池時果初熟

承吏送之業延不受曰果未進御吾何得先食庾業延傳

屈蚺侯羅結道武時人累遷侍中外都大官總三

十六曹事年一百一十詔聽歸老賜大甯東川爲私

第別業并爲築城號羅侯城年一百二十歲卒羅結傳

窟咄寇南鄙高邑公莫題遺箭於窟咄謂之曰三

歲犢豈勝重載言窟咄長而道武少也後有告題居

處倨傲擬則人主帝乃使人示之箭告之曰三歲犢

能勝重載否乃刑之莫題傳李栗性簡慢矜寵每在

道武前舒放倨傲笑唾任情李栗傳枝附葉從子孫

榮祿論許洛陽家田三生嘉禾皆異畝同穎許謙傳

崔宏少有儁才號曰冀州神童并州胡數萬南

畧河內帝問計於羣臣宏曰胡衆雖多無猛健主將
所謂千奴共一膽也

以上崔宏傳

明元時有兔在後宮

檢無從得入帝令崔浩推之浩以爲當有鄰國貢嬪
嬙者明年姚興果獻女

時以秋穀不登議遷鄴浩

以爲非長策至春草生乳酪將出兼有菜果足接來

秋若得中熟事則濟矣帝深然之帝與崔浩論事

大悅說至中夜賜浩縹醪酒十斛水晶戎鹽一匣口

朕味卿言若此鹽酒浩明識天文好觀星變嘗置

金銀銅鈺於酢器中令青夜有所見卽以鈺畫紙作

字以記其異詔問浩口蓋吳在長安北九十里渭

北地空穀草不備欲度渭南西行何如浩曰蓋吳營
去此六十里賊魁所在擊蛇之法當先破頭浩表
太宗勅臣解急就章孝經論語詩尚書春秋禮記周
易三年成訖復詔臣學天文星歷易式九宮無不盡
看三十九年晝夜無廢專心思書忘寢與食至乃夢
共鬼爭義漢高祖以來世人妄造歷術者十餘家
皆不得天道之正大誤四千小誤甚多浩著食經
食經序飢饉仍臻餽蔬餉口清河崔悅范陽盧
湛竝以博藝齊名湛法鍾繇悅法衛瓘而俱習索靖
之草湛傳子偃偃傳子邈悅傳子潛潛傳子宏宏及
浩世不替業故魏初重崔盧之書以上崔浩傳長孫儉

爲荊州刺史吏人表請爲儉構清德樓樹碑刻頌朝
議許之儉嘗詣闕奏事雪中待報竟無惰容

以上長孫

儉傳

長孫道生廉約一熊皮障泥數十年不易人比

之晏嬰

長孫道生傳

長孫承業諸子驍果鎮揚州梁將

頗難之號曰鐵小兒

長孫子彥少嘗墜馬折臂則

上骨起寸餘乃命開皮鋸骨流血數升言戲自若

以上長孫

幼傳

長孫晟送千金公主至突厥前後使人數十輩

攝圖多不禮之獨愛晟每共游獵留之竟歲嘗有二

鵬飛而爭肉因以箭兩隻與晟請射取之晟馳往遇

鵬相攫遂一發雙貫焉

隋文遣太僕元暉出伊吾

道使詣玷厥賜以狼頭纛

突厥啟人可汗賜射於

武安殿時有鳶羣飛隋文命晟曰公善彈爲我取之
十發皆中竝應丸而落 有突厥達官來降言突厥
之內大畏長孫總管聞其弓聲謂爲霹靂見其走馬
稱爲閃電上笑曰將軍威行域外遂與雷霆爲比
煬帝幸榆林出塞外啟人可汗染干召種落數十酋
長咸萃晟見牙中草穢欲令染汗親自除之以明威
重乃指帳前草曰此根大香染干取嗅之曰殊不香
也曰國家法天子行幸所在諸侯躬洒掃耘除御路
今牙中蕪穢謂是留香草耳染干乃拔所佩刀親自
芟草諸部爭效之自榆林東達於薊長三千里廣百
餘步舉國就役而開御道

以上長孫晟傳

長孫紹遠爲太

常廣召工人創造樂器黃鐘不調每恨之嘗經韓使
君佛寺聞浮屠三層上鐸鳴其音雅合宮調取而配
奏方始克諧

長孫紹遠傳

傾巢盡落屈膝稽顙

論

道

武田于白登山見熊將數子顧謂于栗磾曰能搏之
乎對曰若搏之不勝豈不虛斃一壯士白可驅至御
前坐而致之尋皆禽獲

劉裕伐姚泓栗磾築壘河

上裕憚之遺栗磾書假道西上題書曰黑稍公麾下

栗磾好持黑稍故也栗磾以狀表聞明元因之授栗

磾黑稍將軍

以上于栗磾傳

于謹平江陵得宋渾天儀梁

曰晷銅表魏相風鳥銅螭跌大玉徑四尺圍七尺

以獻周文令司樂作常山公平梁歌十首使工人

歌之 周武帝三年以謹爲三老賜延年杖武帝幸

太學以食之行古袒割禮既而北面訪道

以上于謹傳

于仲文獄中上書伏願垂泣辜之恩降雲雨之沛則

寒灰更然枯骨還肉

于仲文傳

周明帝雅愛文史立麟

趾學在朝有藝業者不限貴賤皆聽預焉

于翼傳

道

武攻中山未克乏糧問計於崔逞逞曰飛鵠食菽而

改音詩稱其事可取以助糧帝銜其侮慢然兵旣須

食聽人以菽當租

崔逞傳

孝文嘗閱故府得舊冠顯

曰南部尙書崔逞制謂崔休曰此卿家舊事也

崔休傳

齊文襄以石愷爲清河太守令得專殺愷經崔懷

宅謂少年曰諸郎輩莫作賊太守打殺人懷顧曰何

不答府君下官家作賊止捉一天子牽臂下殿捉一天子推上殿不作偷驢摸犢賊 悽寵妾馮氏家人號曰成母朝士邢子才等姦之悽授徐州刺史馮氏假其威勢恣情取受後悽爲東兗州刺史馮氏受納狼籍爲御史劾與悽俱名詔付廷尉獄諸囚多姦焉獄中致競 悽偉風貌寡言辭端凝如神神武言崔悽應作令僕恨其精神太適 李渾將聘梁名輩畢萃詩酒正歡悽後到一坐無復談話鄭伯猷歎曰身長八尺面如刻畫聲歎爲洪鐘響胸中貯千卷書使人那得不畏服 悽每謂盧元明曰天下盛門惟我與爾博崔趙李何事者哉 神武葬後悽竊言黃頡

小兒堪當重任否。崔遲以告文襄。絕。悽。朝。謁。悽。要。拜。道。左。文。襄。發。怒。曰。黃。領。兒。何。足。拜。也。鎖。悽。赴。訊。後。捨。之。悽。進。謁。奉。謝。文。襄。猶。怒。曰。我。雖。無。堪。忝。當。大。任。被。卿。以。爲。黃。領。小。兒。金。石。可。銷。此。言。難。滅。悽。一。門。婚。嫁。皆。衣。冠。美。俗。吉。凶。儀。範。爲。當。時。所。稱。婁。太。后。爲。博。陵。王。納。悽。妹。爲。妃。敕。其。使。曰。好。作。法。用。勿。使。崔。家。笑。人。博。陵。王。婚。夕。文。宣。帝。舉。酒。祝。曰。新。婦。宜。男。孝。順。富。貴。悽。素。與。魏。收。不。協。收。後。專。典。國。史。悽。恐。被。惡。言。乃。悅。之。曰。昔。有。班。固。今。則。魏。子。收。縮。鼻。笑。之。憾。不。釋。以上崔悽傳李神雋見崔瞻歎謂邢邵曰。昨見崔悽兒。便爲後生第一我。遂無此物。見此使人傷懷。

魏孝靜以人日登雲龍門與其父悛俱侍宴爲詩詔問邢邵等曰今贍此詩何如其父咸曰悛博雅宏麗贍氣調清新竝詩人之冠冕宴罷共嗟賞云今日之宴併爲崔贍父子。楊悛問盧思道贍文藻優劣思道曰崔贍文詞之美實有可稱但舉世重其風流所以才華見沒。悛又曰昔裴瓚爲晉世中書郎神情高邁每於禁門出入宿衛者皆肅然動容崔生堂堂當亦無媿裴子乎。詔議三恪之禮太子少傅魏收爲一議朝士莫不雷同贍則立異議收讀訖笑而不言贍正色曰少傅名位不輕贍議若是須贊其所長若非須詰其不允何容讀國士議文直此冷笑。贍

在御史臺恆宅中送食備極珍羞別室獨餐有一河東人士姓裴亦爲御史伺瞻食便往造焉瞻不與交言又不命七箸明日裴自攜七箸恣情飲噉瞻謂曰我初不喚君食亦不共君語遂能不拘小節君定名士。天保以後重吏事謂容止蘊藉者爲潦倒而瞻終不改。天保初俊爲待中弟仲文爲銀青光祿大夫同日受拜時云兩鳳連飛。仲文多醉嘗被勅召宿醒未解文宣怒將罰之試使爲觀射詩十韻操筆立成乃原之。以上崔瞻傳按瞻齊書作瞻崔儵以讀詩爲務負恃才地大署其戶曰不讀五千卷書者無得入此室儵與頊邱李若俱見稱重時人語曰京師灼灼崔

儵李若

李若每謂其子曰盧思道崔儵杳然崖岸

吾所重也

儵以聾常得無事一醉輒八日越公楊

素重儵門第爲子元縱娶其女親迎之始公卿滿坐

素令騎迎之儵敝衣冠騎驢而至崔子約居母喪

哀毀骨立人云崔九作孝風吹卽倒

儵以上崔傳

王嶷

爲南部尙書時南州多事訟者填門嶷性懦緩不斷

終日昏睡李訢鄧宗慶等號爲明察終見誅戮嶷卒

得自保時人語曰實癡實昏終得保存

王憲傳

王昕

少篤學能誦書日以中疊舉手極上爲率昕爲汝

南王悅騎兵參軍舊事王出則騎兵武服持刀陪從

昕恥之未嘗肯依行列悅乃令騎兵在前手爲驅策

所捨轡高拱任馬所之悅與府僚飲酒起自移牀
人爭進手所獨執板卻立悅作色曰我帝孫帝子帝
弟帝叔今親起輿牀卿何偃蹇對曰安敢以親王寮
案從廝養之役所雅好清言詞無淺俗在東萊時
獲殺其同行侶者詰之未服所謂曰彼物故不歸卿
無恙而返何以自明邢邵後見文襄說此言以爲戲
樂所聞之詣邵曰卿不識造化還謂人曰子才應死
我罵之極深嘗有鮮卑聚語崔昂戲問昕曰頗解
此否昕曰樓羅樓羅實自難解文宣以昕疏誕非
濟世才罵曰好門戶惡人身削奪昕官爵詔曰與
奪任情威福在已能使直而爲枉曲反成絃又曰

僞賞賓郎之味好咏輕薄之篇自謂模擬儉楚曲盡

風致 听母清河崔氏學識有風訓生九子皆風流

蘊藉世號王氏九龍

以上王听傳

王晞與邢子良遊處

子良與其兄書賢弟彌郎

晞小名沙彌

意識深遠言必詣

理吟咏性情麗絕當世恐足下方難爲兄不暇慮其

不進也 獨孤信入洛署爲開府記室晞稱先被犬

傷困篤不赴有故人疑其所傷非獬書勸令赴晞復

書辱告存念似疑吾所傷非獬吾豈願其必獬 文

宣昏逸常山王欲極諫晞切止之王謂晞曰吾長夜

九思今便息意 陸杳將出使握晞手曰相王天下

樂推物無異議杳等願披腹心而忽奉外使無由面

盡短。誠寸心謹以仰白。昭帝踐阼後，晞奏事罷，帝從容曰：「此日何爲自同外客？」略不可見。自今但有所懷，隨宜作一牒候少隙，卽徑進也。帝欲以王晞爲侍中，苦辭不受。或勸晞勿自疏，晞曰：「性實疏緩，不堪時務。」人主恩私，何由可保？萬一披猖，追求無地，非不愛作熱官，但思之爛熟耳。百官嘗賜射晞中的，常得絹爲不書箭。有司不與晞陶陶然曰：「吾今段無段。」字可謂武有餘而文不足矣。晞無子，帝將賜之妾，使小黃門就宅宣旨。皇后相聞，晞妻晞令妻答，妻終不言。晞以手撩胸而退。帝聞之笑。武成忿晞懦弱，因奏事大被呼叱而雅步晏然。晞在并州，雖戎馬